



Senin, 15 Maret 2021

Ogen: 1 Petrus 3:8



Meteruk Ukur



La sitik biak-biak i bas pertemanen ntah pe perkade-kaden, lit kalak si sombong, lit si narsis, lit sianggap enteng man kalak sideban. Tentuna enda la banci ngiket pertemanen simehuli, banci ibas pertemanen e rubat seh maka sirang pertemanen ntah pe perkade-kaden. Sabab sada ras sidebanna la ngasup ngaloken temanna uga ia litna. Emaka kita tetap ipersingeti alu pedah nggeluh, gelah mehuli arus ilakoken alu cara ras biak simehuli. Ibas kegeluhen kalak Kristen ibas jaman Petrus, sanga ia ngenanami kiniseran erkiteken kinitekenna, sada gegeh si isehken man perpulungen i Asia kitik paksa e me tetap ersada ukur dengen ersada penggejapen. Enda banci ilakokenna adi kekelengen si enggo lit sedekah enda itengah-tengahna ielakenna man sada ras sidebanna. Kerina biak enda banci icidahken dikune kekelengen sienggo icidahken Kristus ipebelinna ibas dirina. Kegeluhen si meteruk ukur banci mabai ia rusaha mpehaga kalak sideban seh maka ngasup ia kerina ngalaken erbage-bage tantangan erkiniteken bagepe kegeluhen paksa e. Nggeluh mpebelin biak meteruk ukur bagepe nggeluh alu sederhana jadi biak si erbahan kegeluhen tenang ras dame. Sabab kalak simeganjang rukur la saja banci nakiti dirina tapi pe pasti nakiti kalak sideban. Gelah seh kubas biak meteruk rukur enda la menukah, arus erjuang naluken sura-sura daging, sura-sura sierpengakap hebaten ia asangkan kalak sideban alu 'gaya hidup' si luar biasa, umpamana kerna penampilen eme siman paken ras siman pangan. Guna nikapken diri jadi Moria si sederhana ras meteruk ukur labo menukah, merluken perjuangan, enda min sada usaha ras ulih si banci sidat maknana ibas ndalani minggu-minggu Pasion tahun enda.